

12 Septo

An sant luciē tag zū naht der was an einem sun tag do kam botschafft von dem grafen von fuzzi vñ anderen grafen vñ herrē auß arragoni wie das sy bapst benedicto nicht mer wöltē gehorsame sein vnd leütet man laudes an der sibendē stand in der nachte. Morgnens frū am montag do ward sessio vñnd schwüren die boten an der herrē stat zū einē bapst zehalltē wen das heylig conciliū erwalte vnd man leütet zwirent laudes.

An des heiligen anbenz abent zū weibennächte do waren die naciones alle beyeinander zū den barfüßen vnd sassen beyeinand bis nach sibnen vñnd zee wurffent miteinander die engelischen vñnd die franzen vñnd die von hyspania das all herrē vast betrubet waren vñnd anstett do für zū herzog ludwig vñ die bischof vñnd ainent sy also das morgnēs sessio sei solt. also ward zwü stunde vor mitternacht laudes geleütet. morgnens am heyligen abent ward sessio vñnd wurden da veramet vñnd

ward zwirent laudes geleütet.

Am heiligen tag zū weibennächten Anno dñi. M. cccc. xvij. hettent die cardinal dz ampt zū dem thüm Die engelschen bischof zū sant steffan. vñnd an sant Thomas abent das was an dem kindlin abent do begienngen die engelschen sant Thomas tag also sy hiessent zū vesper durch die stat pusaunen mit irs küniges wapen vñnd sun gen vesper zū dē thüm vñ morgnēs an sant thomas tag das ampt mit vil kerzen vñnd pusaunet mā ab er vñnd waren bei dē ampt alle pfaffheit vñnd lüde all cardinal vñnd bischoff zū dem jmbis.

An sāt thimotheus tag was an einem sumtag da lüd der bischof vñ lunders auß engellandt alle mit zū costenez in burckhart wal hers haush das vom alltez hies zūm hof zū burgthor yez zū dē guldin schweret bey sant laurenczen vñ ga be in dis mal in drey gericht yeglichs besunder mit acht essen halb vergüldet vñnd halb versilbert vñnd

Angle 27

13 Septo